

RUHTADOALLODÁRKKISTANČILGEHUS 2022

Ohcejoga giellaráđđehussii

Mii leat dárkkistan Ohcejoga gieldda hálddahusa, rehketdoalu ja ruhtadoalloloahpaheami ruhtadoallobajis 1.1.- 31.12.2022. Ruhtadoalloloahpahusas leat mielde gieldda balánsa, boadusrehkenastin, ruhtadanrehkenastin ja daid čuovusdieđut ja bušeahttaárvalusa ollašuvvanveardádallan ja doaibmačilgehus. Dan lassin ruhtadoalloloahpaheapmái gullevaš konseardnaruhhtadoalloloahpaheapmis leat mielde konseartna balánsa, boadusrehkenastin, ruhtadanrehkenastin ja daid čuovusdieđut.

Gielddaráđđehusa ja eará čilgengeatnegasaid geatnegasvuodát

Gielddaráđđehusas ja eará čilgengeatnegasain lea ovddasvástádus gieldda hálddahusas ja ruhtadili dikšumis ruhtadoallobajis. Gielddaráđđehus ja eará konseardnanjunnošat vástidit gielddakonseartna stivremis ja konseartnabearráigeahču ordnemis. Gielddaráđđehus ja gielddahoavda vástidit ruhtadoalloloahpaheami ráhkadeamis ja das, ahte ruhtadoalloloahpaheapmi addá rivttes ja doarvái dárkilis gova gieldda bohtosis, ekonomalaš sajádagas, ruhtadeamis ja doaimmain, mat čuvvot ruhtadoalloloahpaheami ráhkadeami njuolgadusaid ja mearrádusaid. Gielddaráđđehus ja gielddahoavda leat doaibmačilgehusas čilgen gieldda siskkáldas bearráigeahču ja riskkaid hálddašeami ja konseartnabearráigeahču ordnema.

Gielddaráđđehus ja gielddahoavda vástidit maiddá siskkáldas bearráigeahču ordnemis ja dakkár siskkáldas bearráigeahčus, man dat gehččet dárbbaslažžan vai sáhttet ráhkadit dakkár ruhtadoalloloahpaheami, mas eai leat mearkkašahti feallat boasttogeavaheami dahje fealla dihtii.

Ruhtadoallodárkkisteaddji geatnegasvuodát

Mii leat dárkkistan ruhtadoallobaji hálddahusa, rehketdoalu ja ruhtadoalloloahpaheami almmolašhálddahusa buori ruhtadoallodárkkistanvearuid mielde dehálaš feallaid ja váilevašvuodaid fuomášeami ja daid birra raporterema dihtii dárkkistusa bohtosiin. Hálddahusa dárkkistusas leat váldán čielgasa doaibmaorgánaid lahtuid ja bargosurggiid njunušvirgehálddašeaddjiid doaimmaid lágalašvuodas. Gieldda siskkáldas bearráigeahču ja riskkaid hálddašeami ja konseartnabearráigeahču ordnema áššáigullevašvuoda leat dárkkistan nu, ahte leat váldán vuhtii doaibmačilgehusas ovdanbuktojuvvo čilgehusaid. Mii hábmet oainnu ruhtadoallodárkkistusa dáfus relevánta siskkáldas bearráigeahčus, vai sáhttit plánat áššáigullevaš ruhtadoallodárkkistusa doaibmabijuid ja vai sáhttit cealkit siskkáldas bearráigeahču ordnemis, muhto eat dan mearkkašumis ahte sáhtášeimmet cealkit gieldda siskkáldas bearráigeahču beaktivilvuodas. Dan lassin leat dárkkistan ahte stáhtaossodagaid vuoduštusain addon dieđut leat riektá.

Mii leat dahkan dárkkistusa dan dihtii vai oaččošeimmet dárbbaslaš sihkkarvuoda das, leago hálddahus dikšojuvvo lágá ja stáhta mearrádusaid mielde. Rehketdoalu ja ruhtadoalloloahpaheami ráhkadanprinsihpaid, sisdoalu ja ovdanbuktinvuogi leat dárkkistan dakkár viidodagas, man vuodul lea vejolaš cealkit ahte ruhtadoalloloahpaheamis eai leat mearkkašahti feallat dahje váilevašvuodát.

Dárkkistusa bohtosat

Váldostivrra dáfus čadni doaibmagovčču in ledje mearkkašahti badjelmannamat ná: Teknihkalaš lánvegotti doaibmagokču manai badjel 216 911 euro (45 %). Badjelmannamat boadussurggiid mielde tekniikkalaš doaibma (50 612 €), huksengohcin ja báikedihtobálvalusat (32 890 €), sadjebálvalus (51 905 €) ja bázahusfuolahus (81 503 €). Mearkkašahti doaibmagovčču badjelmannan fuomášuvvui maiddá sierrabuohccedivššu boadussuorggis (167 271 €, 11 %). Eará osiin gieldda hálddahus lea dikšojuvvo lágá ja váldostivrra mearrádusaid mielde.

Gieldda siskkáldas bearráigeahču ja riskkaid hálddašeapmi ja maiddá konseartnagohcin leat ordnejuvvo áššáigullevaččat.

Stáhtaossodagaid vuodustusaid diedut leat riehta.

Gieldda ruhtadoalloloahpaheapmi ja dasa gullevaš konseartna ruhtadoalloloahpaheapmi lea ráhkaduvvon njuolggadusaid ja mearrádusaid mielde, muhto mearreáiggi manjá. Gieldalága mielde gielda galgá ráhkadit ruhtadoalloloahpaheami ruhtadoallobaji čuovvovaš njukčamánu loahpa rádjai ja addit dan ruhtadoallobádkkisteaddjiide dárkkistanláhkai. Ruhtadoalloloahpaheapmi lea giedahallon gielddaráđdehusa čoahkkimis 27.4.2023. Ruhtadoalloloahpaheapmi addá rivttes ja doarvái dárkilis gova ruhtadoallobaji bohtosis, ekonomalaš sajádagas, ruhtadeamis ja doaimmain.

Cealkámušat ruhtadoalloloahpaheami dohkkeheamis ja vástofriddjavuoda miediheamis

Eavttuhit, ahte ruhtadoalloloahpaheapmi dohkkehuvvo.

Eavttuhit, ahte vástofriddjavuodta miediuvvo čilgengeatnegasaide dárkkistuvvon ruhtadoallobadjái dainna eavttuin, ahte váldostivra dohkkeha dárkkistusa boadusin máinnašuvvon bušeahttaárvalusa spiehkkašemiid.

Oulus 9. geassemánu 2023

BDO Auditor Oy
tilintarkastusyhteiso

Tiina Mikkonen-Brannkarr
KHT, JHT